

北齊文宣帝天保元年令魯郡以時脩葺先聖先賢廟宇遣使致祭



梁元帝初在荊州起宣尼廟州學置儒林叅軍一人勸學從事二人生徒三十人加庠餼帝攻書善畫自畫畫聖像為之贊而書之時人謂之三絕

陳宣帝太建三年八月辛丑皇太子親釋奠於太學祭酒以下齋高有差

後主至德三年十一月辛丑釋奠於先聖禮畢設

金石之樂會宴王公卿士

唐高祖武德二年六月一日詔曰大德必祀義在  
方冊達人命世流慶後昆爰始姬旦粵若宣尼  
天姿叡指四科之教歷代不刊三千之徒風流  
無歇惟茲二聖道濟生人尊禮不脩孰明褒尚  
宜令有司於國子學立周公孔子廟各一所四  
時致祭仍博求其後具以名聞詳考所宜當加  
爵士

太宗貞觀二年房玄齡言周公仲尼皆聖人然釋  
奠於學以夫子也大業以前皆以孔子為先聖  
顏子為先師別祀周公并孔子為先聖以顏子  
配四年詔州縣皆立孔子廟以左丘明等二十  
二人配享

太宗貞觀十四年二月初十日釋奠於國子學詔  
祭酒孔穎達講經畢上釋奠頌有詔褒美二十  
年二月詔皇太子於國子學釋奠先聖先師皇  
太子為初獻國子祭酒張後胤為亞獻光州刺  
史趙弘智攝司業為終獻既而就講弘智談孝

經忠臣孝子之義右庶子許敬宗上四言詩以  
美其事

太宗貞觀二十一年詔以國子學釋奠令祭酒初  
獻司業博士亞終獻詞稱

皇帝謹遣某官行礼以為永制

高宗永徽中復聖周公師孔子顯慶一年長孫無  
忌言漢魏以來取舍各異孔子顏子互作先師  
周公尼父迭為先聖貞觀之末親降綸言依禮  
記之明文酌成康之輿說正天子為先聖若周

公作禮樂當同王者之禮乃詔以周公配武王  
以孔子為先聖

高宗乾封元年正月車駕發泰山至曲阜親幸祠  
廟以太牢祀先聖先賢及七十二弟子二十四  
日進贈孔子為太師詔曰朕聞德契機神感烈  
光於後代化成天地玄功被於庶物魯太司寇  
宣尼父孔某資天聖之材屬衰周之末思欲屈  
已濟俗弘道佐時應聘周流莫能見用想乘桴  
以永嘆因獲麟而興感於是垂素王之雅則正

魯史之繁文播鴻業於一時昭景化於千祀朕  
嗣膺寶歷祗奉睿圖憲章前王規矩先聖崇至  
公於海內行大道於天下遂得八表乂安兩儀  
交泰功成化洽禮備樂和展采東巡迴輿西上  
途經茲境撫事興懷駐蹕荒區願為師友瞻望  
幽墓思承格言雖宴寢荒蕪餘基尚在靈廟虛  
寂微烈猶存孟軻曰自生人以來未有若孔子  
者也微禹之嘆既深褒崇之道宜峻可追封太  
師庶年代雖遠式範令苗景業惟新儀刑茂實  
其廟宇制度卑陋宜更加脩造仍令三品一人  
以少牢致祭褒聖侯德倫既承胤嗣有異常流  
其子孫並免賦役主者施行

唐睿宗太極元年二月二十八日皇太子親釋奠  
開講筵

玄宗開元八年詔十哲為坐像畫七十二賢及左  
丘明等二十二人于壁十三年十一月封泰山  
車駕幸孔子宅致祭先聖先師子孫並免賦役  
作詩頌美又遣使以太牢祭其墓復給近墓五

三氏志一  
卷之十二  
戶令天下州縣立廟賜百戶洒掃充春秋享直  
因廣大本廟又賜每代長子一人奉饗兼賜一  
子官

玄宗開元二十七年八月二十三日追謚孔子為  
文宣王詔曰弘我王化在乎儒術能發揮此道  
啓迪含靈則生民以來未有如孔子者也所謂  
自天攸縱將聖多能德配乾坤身揭日月故能  
立天下之大本成天下之大經美政教移風俗  
君君臣臣父父子子人到于今受其賜不其痛

歎嗚呼楚王莫封魯公不用俾夫大聖才列陪  
臣棲遲旅人固可知矣年祀寢遠光靈益彰雖  
代有禩禩而未崇峻不副於實人其謂何夫子  
既稱先聖可追謚為文宣王令三公持節冊命  
其後嗣褒聖侯改封嗣文宣公昔周公南面夫  
子西面坐今位既有殊豈宜依舊宜補其墜典  
永作常式其兩京國子監及天下諸州夫子南  
面坐十哲等東西行列侍坐被王者服釋奠用  
宮懸贈弟子為公侯伯

德宗貞元二年二月釋奠自宰臣以下畢集於國  
學貞元間每年春秋釋奠祝板御署訖必北面  
而揖

憲宗元和十三年復置洒掃五十戶

宣宗置右宮城承慶門其內曰承慶殿百福殿之  
西有孔子內殿

懿宗咸通四年給洒掃陵廟五十戶  
後周太祖廣順二年親征慕容彥超至兗州城將  
破夜半夢一人狀甚魁異被王者服謂高祖曰

陛下明日當得城及覺私自喜曰彥超如此可  
不務乎因躬督將士戮力攻城至午而城果陷  
車駕既入有司請從王方鳴鞘而進因取別巷  
轉數曲偶過夫子廟高祖意豁然謂近侍曰寡  
人夢殆夫子乎不然何取路於此因駐蹕升廟  
瞻禮聖像一如夢中所見高祖大喜因叩頭再  
拜近臣或謂天子不當拜異代陪臣高祖曰夫  
子聖人也百王取則而又夢告寡人得非夫子  
幽贊所及安得不拜因幸闕里復再拜及留所

真酒器銀爐等於廟復幸孔林又再拜及勅充  
州修葺祠廟林禁樵採又以厠側數十家為洒掃  
戶

宋太祖詔祭文宣王樂用永安之曲

太宗太平興國八年御便殿顧謂近臣曰朕嗣位  
以來咸秩無文遍修群祀惟魯之夫子廟堂未  
加營葺闕孰甚焉乃詔大將作恢敞儒宮命內  
侍高品殿直各一人內品二人監督工役告成  
以紀其事

太宗端拱元年八月庚辰車駕幸國子學謁文宣  
王禮畢升輦將出西門顧講堂坐左右博士李  
覺方聚徒講書上即召覺令對御講曰陛下六  
飛在御臣何敢轍陞高坐上因降輦命有司張  
帝幕設別坐召覺講周易之泰卦從臣皆列坐  
覺乃述天地感通君臣相應之旨上甚喜賜帛  
百疋

真宗景德三年孔廟石刻中書門下牒京東轉運  
司資政殿太學士尚書兵部侍郎知通進銀臺

司兼門下封駁事王欽若奏諸道州府軍監文  
宣王廟多是推塌及其中脩蓋完葺者被勾當  
事官員使臣指射作磨勘司推勘院伏以化俗  
之方儒術為本訓民之道庠序居先况傑出生  
人垂範經藉百王取法歷代攸宗苟廟貌之不  
嚴即典章而何貴恭以睿明繼統禮樂方興咸  
秩無文徧走群望豈可泮宮遺烈教父靈祠頗  
闕脩崇久成廢業仍令講誦之地或為置對之  
司混摠揜於絃歌亂桮括於籩豆殊非尚德有  
類戲儒方大振於素風望俯頒於明制欲乞特  
降勅命指揮令諸道州府軍監文宣王廟摧毀  
處量破倉庫頭子錢脩葺仍令曉示今後不得  
占射充磨勘司推勘院及不得令使臣官員等  
在廟內居住所貴時文載耀學校弥光亮彰鼓  
篋之聲用洽舞雩之理候勅旨牒奉

勅宜今速路轉運司遍指揮轄下州府軍監依  
王欽若所奏施行牒至准

勅故牒景德三年二月十六日牒刑部侍郎叅



知政事馮拯尚書左丞叅知政事王旦

真宗大中祥符元年真宗幸曲阜謁文宣王廟有司定儀止肅揖帝特展拜以表嚴師崇儒之意又幸孔林以古木擁道降輿乘馬詣墳拜奠帝曰唐明皇褒先聖為王朕欲追謚為帝可乎當令有司檢討故事以聞或云文宣周之陪臣周止稱王不當加以帝號遂止增美名又議加封十哲爵以公七十二賢以侯王旦曰顏子舊封充公今並列公爵則亞聖之名無以別異望封

顏子充國公餘為郡公帝然其家儒後章羅從彥釋曰唐時詔郡邑通得祀杜稷孔子獨孔子用王者事以門人為配自天子以下北面拜跪薦祭不敢少怠者非以事為萬代之師故耶行之未幾而淺於學者智不及此乃請當揖以殺太重歷朝循循而不改逮及我宋章聖皇帝之幸曲阜也嘗獨見之明帝及拜以表嚴師崇儒之意德之盛者也若章聖皇帝可謂知所本矣古者帝王稱號因時而已非德有優劣也唐明

皇既追封先聖為王襲其舊號可也加之以帝  
號而褒崇之亦可也顧時君所欲如何耳夫礼  
惟其称而已矣而或者不諭乃以周之陪臣為  
言豈知礼也哉

真宗大中祥符元年十月三十日勅中書門下詔

追謚孔子為玄聖文宣王

按春秋演孔子曰昔孔子母夢感黑帝而

生故謚曰玄聖

詔曰王者順考古道懋建大猷崇四術

以化民昭宣教本總百王而致治丕變人文古  
啓迪於素風思丕揚於洪烈先聖文宣王道膺

上聖体自生知以天縱之多能實人倫之先覺  
玄功傳於簡易景靈配乎貞明惟列辟以尊崇  
為億載之師表章禮樂承命歷易常不違  
守彙訓保乂中區屬以祗若元符告成喬岳觀  
風廣魯之化傳駕教切之墻躬謁遺祠緬懷遐  
躅仰明表之如在肅真獻以惟寅是用徵簡冊  
之文昭聰睿之德聿舉追崇之礼庶申嚴奉之  
心備物典章垂之不朽詔告多士昭示朕懷宜  
追謚曰玄聖文宣王

大中祥符五年十一月改謚為至聖文宣王  
真宗大中祥符元年十一月三日追封叔梁紇并

顏氏

勅曰朕以祗陟以承親述魯甸永懷先聖之德  
躬造闕里之庭奠獻周旋欽崇備至唯降靈之  
所自亦錫羨之有初像設具存名稱斯闕宜加  
追命以煥典章叔梁紇可追封齊國公顏氏可  
追封魯國太夫人

真宗大中祥符元年十一月十一日追封并官氏

勅曰朕時延魯郡躬詣孔堂顧風教之所宗舉  
典章而既渥春惟令淑作合聖靈載稽簡策之  
文尚闕封崇之教屬茲咸秩特示追崇垂厥方  
來式昭遺懿并官氏可追封鄆國夫人仍令充  
州寔官牲由阜縣玄聖文宣王廟祭告

真宗大中祥符元年十一月二十七日詔曰朕以  
紀號岱宗觀風廣魯載懷先聖實主斯文矧尼  
丘毓粹之區光靈可挹而曲阜奉祠之地庶覩  
攸存將申款謁之儀用表欽崇之志宜取十一

月朔幸曲阜縣偕孔躬謁

二年勅曰國家尊崇師道啓迪化原春惟節魯之邦是曰詩書之國尼山在望靈宇增嚴朕以登岱告成回鑿款謁期清風之益振舉縉禮以有加式資誨誘方更及闡揚之旨以所賜太宗皇帝御製御書與九經書并正義釋文及器物等並置於廟中書樓上收掌委本州長吏或官與本縣令佐等同共檢校如有講說釋奠並須以時出納勿令損污

山教文館神刊之於百昭示無窮

真宗大中祥符二年孔廟石刻中書門下牒玄聖文宣王廟入內內侍省內侍殿頭張文質奉

聖旨於御書院交割到裝褫

太祖皇帝御製御書文字一部

共五十七件計一百五十七卷軸策并內降金渡銀器物色等并九經書及疏釋文并三史書管押赴兗州曲阜縣玄聖文宣王廟收掌

一太宗皇帝御製御書御製十二頌一卷御製心輪偈頌一部計一十一卷御製道遙詠一部

計一十一卷御製秘藏詮一部計三十卷御製

緣識一部計五卷御製金剛經宣演一部六卷

以上紫大綾縮夾標子五色經帶子朱紅兩頭木軸子御製草書孝經一部

御製御書秘閣贊一卷御草書千字文一卷御

八分書千字文一卷御書大字本或詩一卷御

書法帖一部計一十二卷御製

二卷御製喻言一卷御草書急就詩一卷御八

分書貞定王碑一卷御書三般大字詩三卷御

草書筆法一卷御額草書一卷御製聖教序雙

鈎書一卷御書四体五体書二卷御製無名說

一卷御製日行誠一軸御八分書故實一卷御

製筆法歌一卷以上紫大綾縮夾標子五色經帶子黑漆兩頭木軸子御

草書諸雜詩簇子二十軸御飛鳥書帝佛字二

軸御飛鳥書有注無注簇子二軸御飛鳥書遠

者不假詩二軸御製心輪圖一軸御草書故實

七軸御製有益無益銘一軸御製惠化行一軸

御篆書孝經碑陰額一軸御八分書秘閣贊碑

額一軸已上紫大綾縮夾標子黃絹帶子黑漆兩頭木軸子御倣鍾繇書

一卷御書小字法帖一卷御草書詩一卷御札  
百官曆頭一卷御草書自述一卷御書大言賦  
一卷御製聖教序一卷御製怡懷詩一卷御製  
今體律言詩一卷御製古調十韻詩一卷御製  
七言詩一卷御製喻言一卷御製五言詩一卷  
御製御書五言詩一卷御製碁譜一卷御製碁  
勢譜一卷御製碁勢一卷御製迴文心輪圖一  
卷御製御書秘閣贊碑一廳御草書孝經碑一  
廳已上紫大綾縮夾襪子五色御製勅懷篇一

祭御製迴文詩一祭

已上紫大綾單襪子裝

一昨降赴玄聖文宣主廟充洪養器物等渾金

凌銀香爐一座實重一百兩渾金渡銀香盒一

具實重五十兩并掠香一合渾金渡銀香匙一

柄實重三兩渾金渡銀稜椽子二十隻諸般香

藥共二十袋子封印全黑漆香藥匣子一隻鑲

鑰全緋羅銷金帕子一條黃絹複一條

牒奉

初國家尊崇師道啓迪化源眷惟鄒魯之邦是

三才志一卷  
八十七  
曰詩書之國尼山在望靈宇增嚴朕以登岱告  
成廻鑿款謁期清風之益振舉縉祀以有加式  
資誨誘之方更尽闡揚之旨宜以所賜太宗皇  
帝御製御書與九經書并正義釋文及器用等  
並置於廟中書樓上牧掌委本州長吏職官與  
本縣令佐等同共檢放在廟如有講說釋奠並  
須以時出納勿令損汚此勅文仍仰刊之於石  
昭示無窮

勅故牒大中祥符二年四月日牒工部侍郎參

知政事趙尚書左丞參知政事馮中書侍郎兼  
刑部尚書平章事主

真宗大中祥符二年五月初一日追封七十二賢  
并先儒勅曰朕昨以 靈禱社昭列聖之鴻勳崇  
德報功廣百王之要制洎言旋於闕里遂躬謁  
於魯堂瞻河海之姿粹容穆若出洙泗之上高  
風凜然舉茂典之有加期斯文之益振由是推  
恩世胄併賜其寵章祇事祠庭增其奉邑復念  
世與天道德冠生民議茲玄聖之名異廣嚴師

之道無朕親為製贊以表崇儒至於四科鉅賢  
並超五等七十達者俱贈列侯眷彼先儒皆傳  
聖道成加贈典俾耀素風仍命案察分紀遺烈  
式及褒揚之旨庶資善訪之方仍令中書侍郎  
兼刑部尚書平章事王旦等分撰贊以明

宋仁宗初即位者崇儒術車駕幸國子監奠謁先  
聖退閱七十二賢贊觀書不序及禮器天聖二年  
八月己卯幸國子監謁先聖文宣王其後每幸  
有司言舊儀肅揖而特拜應曆四年五月幸  
國子學謁先聖特再拜

仁宗慶曆四年勅差齋戶五十人充本齋洒掃祇  
應嘉祐六年賜飛帛書殿榜并金字篆齋碑差  
劉溫良等押賜仍降御祭文遣通判兗州田洵  
致薦時三月十九日也上初寫碑巾櫛而書其  
尊師重道如此時四十六代孫舜亮宰仙源邑  
因進詩有韻轉運使秘閣校理張師中亦進寶  
奎耀文歌於上降詔獎諭

神宗元豐五年奉旨下轉運司於係省錢內支錢



二千貫文脩完本廟及於本路差雜役兵土工  
匠等四十七代孫孔若升監脩

神宗元豐七年五月詔自今春秋釋奠以鄆國公  
孟子配食至聖文宣王設位於兗國公之次荀  
况楊雄韓愈以世次從祀於二十一賢之間並  
封伯爵

哲宗元祐元年幸國子監謁至聖文宣王行釋奠  
禮一獻再拜

徽宗崇寧元年追封二代伯魚為泗水侯制曰孔  
子之道萬世所尊鯉寔嗣之親聞詩禮魯堂從  
祀厥有舊祠疏以爵封以示褒顯度宗咸淳三  
年詔泗水侯以先聖為之父子思為之子而聞  
詩聞禮周南召南之學其在魯論著明如此鄆  
城侯忠其昆也亦在從祀之列伯魚可列於鄆  
城侯之次

徽宗崇寧元年追封三代孫子思為沂水侯制曰  
聖人之後孟氏之師作為中庸萬世尊仰春惟  
魯邦實有舊祠追加爵封以示褒典

徽宗崇寧四年八月詔太常寺考正文宣王廟像  
冠服制度用王者冕十二旒衮服九章畫黼鏤  
板印賜仍

頒降天下州縣學咸使依舊改正歷代以先聖與門  
人同服衮冕始服王者之服後國子司業蔣靖  
之請也

徽宗大觀元年臣寮上言太學祭先聖服法服郡  
邑則常服請頒祭服式于州郡詔以服式頒郡  
邑自製

徽宗大觀元年十二月立崇文殿十貫禁採折林木  
許人告投

徽宗政和元年奉聖旨至聖王文宣王改執鎮圭其  
廟舊立十六戟今立二十四戟又奉旨文宣王  
廟內曾參等所封侯爵與宣聖名同甚失弟子  
尊師之禮改封者八人又令運司於係省錢內  
應副脩完本廟及於本路諸州軍差雜役兵士  
工匠和雇百姓脩造委四十八代孫襲封衍聖  
公端友監脩

徽宗政和四年命後苑作製造御前生括所造牌  
御書曰大成殿頒降本廟後四十七代孫文林  
郎舒州司戶曹事若谷之請也又太學辟雍先  
聖殿皆御書又襲封衍聖公奏朝廷稽考三代  
制禮作樂乞頒降大樂許內族人及縣學生咸  
使肄習并乞降禮器以備釋奠及家祭使用至  
六年五月差四十七代孫宣教郎若谷押賜堂  
上正聲大樂一副札瑟一副

徽宗宣和四年三月初二日車駕幸太學真詔

高宗紹興十四年三月辛太學祗謁先聖止駕於  
大成門外登降步趨執爵灌獻天容肅恭禮畢  
御敦化堂頒詔示樂育詳之意躬睹

徽宗大晟樂成詔頒降肆習用之

遼太祖神冊三年戊寅五月建孔子廟四年八月

躬謁

金世宗太定十四年正月十六日國子監起請孔  
子廟大成殿聖像冠十二旒服十二章充國公  
像九章冠九旒檢到唐郊祀錄開元二十七年

詔遣謚孔子為文宣王仍內出王者衮冕以衣  
之按周礼王者之服衮冕十有二旒其服十有  
二章諸公之繅旒九就今文宣王冠服已依典  
故其兗國公鄒國公一体粧塑九章服擬遷鄒  
國公像於宣聖之右與兗國公相對准上冠服

粧塑宋崇寧四年考正冠十二旒服九章二十

一年召龔封衍聖公摠赴闕奉勅旨特授曲阜

縣令

元世祖至元元年孔廟石刻繒紳生世誦聖言服

聖服食聖人之餘於聖人鄉壠獨未嘗一到者  
孰不以為闕故遠者數千里近者數百里徃徃  
不憚其勞必伏謁廟下徘徊歷覽用致其慕聖  
之思仍割所有以克祭祀之用其誠豈不尚哉  
吾聖人之鄉者苟不紀其來使泯默無記亦為  
有罪故敢以年月次其名位於后提控監脩王  
元慶頓首拜謹題河南路稅課長官奉天揚  
州年三月初三日至上白金方學芙蓉盤  
林丞旨東明王鶚癸丑年二月初二日

至上白金芙蓉盃一事翰林學士東平路宣慰  
司使太原張德暉至元元年九月初七日至上  
白金酒壺一隻右北平鄭宸從行至元元年十  
月日立石典史王潤書丹宣聖五十二代孫兩  
庫收支官之厚之深五十一代孫提控監脩官  
元顯五十一代孫提控監脩官搆提控監脩官馬  
惟能提舉東平路宣慰司官兼脩廟提領韓文獻  
元世祖至元十年二月中書省判送御史中丞兼  
領侍儀司呈至聖文宣王廟王若禮樂御王者

衣冠南面當坐天子供祠其於萬世之絕尊千  
載之通祀者莫如吾夫子也切見外路官員提  
學教授每遇春秋二丁不變常服以供執事於  
禮未宜及照得漢唐以來祭文廟享社稷無非  
具公服執手板且鄉人儺孔子猶朝服而立於  
阼階先聖先師安得不備禮儀者乎自今以往  
擬令執事官員各依品序穿著公服陪位諸儒  
亦合衣襴帶唐巾釋菜之禮似為相應奉都堂  
鈞旨送吏札部准擬施行

元世祖至元十六年孔廟石刻中順大夫濟寧府  
知府兼管諸軍與魯馬公蒞政之初按行州縣  
首至闕里展謁至聖文宣王林廟越明年以俸  
金五十兩謹遣武畧將軍兗州知州兼管諸軍  
與魯趙侯以仲春上丁行釋奠事禮畢觴衆而  
言曰知府公之是舉也有謂吾天子立言垂教  
於千百載之上生民賴之於千百載之下嘗夙  
夜以思吾屬所以紆朱芟繁開大府而臨列郡  
當承流宣化之任而能至於寡過之地非吾夫

子之道之力歟但終以不得親滌滌執豆籩為  
恨然當致齋奠爵之際縷縷之誠亦不敢不遙  
達於神明矣此意衆當悉知愚聞斯言於是乎  
書以告後之來者云至元十六年二月丁亥宣  
聖五十三代孫治記

元世祖至元三十年歲在癸巳二月特薦歲事于  
祖庭前三日郵吏來告駙馬郡王遣使致祭以  
車輦廐一野豕一先至敬率族人再拜受遂以  
授執事者事齋軒齋宿之日使者至濟寧路官

兗州官實從使者致賢王命以分封之壤密迩  
林窟未能款謁慙然于懷謹奉禮神之幣出金  
錢以具羊豕實豆籩廼十月丁酉行事牲脂酒  
香庶品豐潔使者初獻祝辭曰高唐郡王潤里  
吉思敬遣大同路民匠總管府同知元日章敢  
昭告于先聖文宣王奠帛獻爵登降如禮承事  
郎兗州知州董滅兒急解亞獻神具醉飽爰命  
工祝致多福于賢王齋籩胙豆畢陳殿隅使者  
自東階再拜登受方晷陳設月星明絜既唱禮

畢曙色初分悉召子姓昭穆以班與魯之多士  
即齋廳餽神惠皆頌賢王之德懷賢王之賜厥  
明德德即同知濟寧路總管府事石用展敬庭  
下使者同觀廟庭歎禱奔之弗除嘆禮樂之有  
闕志欲啓白畫復前規且謂賢王即封內建孔  
子廟五所具束脩延明師五人分教其地之後  
秀凡入學者給廩餼歸南士之流落者七十人  
作美多端本乎此思誠無所肖似謬忝御邑躬  
承盛禮懼弗克任所當頓首王庭百拜致謝顧

以共洒掃之役不能奔走就道以遂斯志敬勸  
諸樂石用垂永久是行也明理忽里實使以駟  
騎之不時共也竣事而至乃入廟致爵以復于  
執事不敢以後時齊命可謂知禮矣五十四代  
孫從仕即曲阜縣尹兼管本縣諸軍與魯無本  
縣勸農事思誠謹記

成宗大德二年六月十八日奉

皇帝聖旨袁皇姑魯國太長公主懿旨射馬濟寧王  
鈞旨濟寧路兗州近准來關抄連到中書戶部

符文除免孔顏孟三氏子孫合納地稅准此備  
申濟寧路總管府照詳去來於九月初二日回  
奉總府八月二十八日李琪行指揮近據來申  
抄連除免孔顏孟三氏子孫合納稅石符文乞  
照驗事得此先准中議大夫襲封行聖公牒亦  
為此事准此已經行下本州照會去訖今又奉  
山東東西道宣慰司今史馬珪承行劄付准中  
書戶部關來奉中書省判送戶部呈准山東宣  
慰司關行據濟寧路備兗州申孔顏孟三氏子



孫合納稅粟三十三石四斗二升合依丁酉年  
間欵奉聖旨扎魯火赤也可那演劄付依僧道例  
一体蠲免本部叅詳孔顏孟三氏子孫合納地  
稅三十三石四斗二升查勘鼠尾科徵糧教相  
同若依山東宣慰司所據優恤蠲免相應今將  
連到碑文二通抄連在前具呈照詳得此覆過  
奉都堂鈞旨送戶部更為照勘明白別無差冒  
依例施行奉此關請依奉都堂鈞旨判送內事  
理施行奉此當州除外合行移關請照驗備去

事理施行須至關者右關龍封衍聖公

武宗即位乃於成宗大德十一年七月二十六日  
加封孔子為大成至聖文宣王

詔曰

上天眷命

皇帝聖旨蓋聞先孔子而聖者非孔子無以明後孔  
子而聖者非孔子無以法所謂祖述堯舜憲章  
文武儀範百王師表萬世者也朕纂承丕緒敬  
仰休風循治古之良規舉追封之盛典加號大

成至聖文宣王遣使闕里祀以太牢於戲父子  
之親君臣之義永惟聖教之尊天地之大日月  
之明奚罄名言之妙上資神化祚我皇元主者  
施行

武宗至大元年七月內朝廷差官齋聖旨加封祭  
祀事先於大德十一年五月二十一日今上皇  
帝正位宸極當月二十八日集賢院官特進大  
司徒太子太傅集賢院使香山集賢大學士資  
德大夫趙也先榮祿大夫平章政事太子少傅

集賢大學士王顯奏唐宋以來累朝代孔夫子  
封贈的名兒與未今日皇帝初登寶位孔夫子  
的名號教眾學士商量與着呵宜的一般奉聖  
旨商量了名兒我行再奏者欽此六月初八日  
香山司徒幹赤大學士趙大學士王大學士安  
大學士奏如今眾學士商量定加封孔夫子作  
大成至聖文宣王大都上都孔林差人依舊例  
致祭牲加太牢齋制詞香祝文酒六呵怎生奉  
聖旨准欽此七月十九日中書省奏孔夫子加

封名號翰林集賢院官人他每的言語是的一  
般降與聖旨差人祭祀去呵怎生奉聖旨准欽  
此至大元年三月二十三日懷柔東辟集賢院  
使御史大夫脫脫丞相集賢學士通議大夫師  
著奏加封孔子與了詞頭宣命如今與課銀三  
錠表裏段子一十三疋并合用祭祀物件差本  
院學士賄坐鋪馬前往孔林祭祀去更大都上  
都合用祭物文與呵怎生奉聖旨教省家與者  
欽此差遣本院學士嘉議大夫王德淵於七月  
欽齋宣詞祭物到於孔林卜於十一日丁卯與  
守土官奉訓大夫兗州知州馬禧孔氏家長撫  
行三獻禮王德淵親為祝文宣賜銀幣玕藏廟  
庫五十二代曹州教授之名書五十二代孫孔氏  
家長撫立石

武宗至大元年冬閏月癸丑承州報皇妹大長公  
主曾王遣使致祭林廟縣僚暨族長以禮迓於  
道左後至舍館使者傳命曰皇妹大長公主魯  
王恭聞聖上加封大成至聖文宣王以林廟粵

在魯國湯沐之邑出祝辭于銀盒實香其中敬  
用祀神以錢五百千為祀料費翼日甲寅卜以  
季冬三月丁巳行事酒醴既清太牢羊豕莫不  
肥膾使者齋沐如祀及期夜方五鼓天宇澄肅  
星辰輝燦使者初獻奠幣爵金紫炫耀兗州監  
州遜都解亞獻其終獻則知州馬奉訓禮也卒  
事使者升齋廳大會族衆及魯之多士以饒神  
惠仍執筭以言曰大長公主以天人之姿誦習  
經史命工繪聖人像人一書懿請於其左右居常

瞻禮至於銀盒則刻歲月以銘祝辭則朱玉印  
以誌其崇奉吾夫子勤懇類此初大德七年冬  
皇姑魯國大長公主以闕里大殿落成備香酒  
牲幣致祭謙實將其命也六年之間兩奉命恭  
拜殿庭榮華多矣族衆舉酒以拜曰願紀其事  
于石仰祝聖上無疆之壽以讚大長公主尊王  
之福使者亦將賴其餘慶顧不備獻東平許國  
太岳教職辛覲盛事敢拜手稽首謹記五十二代  
孫權主紀事撫立石祖廟監脩授控五十二代

孫之進時聽昌路同知藍脩王諱為使者

文宗至順二年正月十一日加封孔子父齊國公

叔梁紇為啓聖王母魯國大夫人顏氏為啓聖

王太夫人

制曰

上天眷命

皇帝聖旨闕里有家系出神明之曾尼山請得天啓

聖人之生朕聿觀人文敷求往哲惟孔氏之有

作集群聖之大成原道統則克獲舜傳之周文

王論世家則契至湯下建正考父其明德遠

矣故生知者出焉有開必先克昌厥後如太極

之生天地如鉅海之有本源雲仍既襲於上公

之封考妣宜朕夫素王之爵於戲君子之道考

而不謬建而不悖于以敦典而叙倫宗廟之禮

愛其所親敬其所尊于以報功而崇德尚焉其

慶以相斯文齊國公叔梁紇可加封啓聖王魯

國太夫人顏氏可加封啓聖王太夫人主者施

行

文宗至順二年正月十一日加封伯魚母鄆國夫人并官氏為大成至聖文宣王夫人

制曰

上天眷命

皇帝聖旨我國家博典禮以弥文本闡門以成教迺  
瞻素王之廟尚虛元媿之封有其舉之斯為盛  
矣大成至聖文宣王妻并官氏來嬪聖室垂裕  
世家遠豆出秀自流風於殷禮琴瑟在御存燕  
樂於魯堂功言邈若於遺聞儀範儼乎其合德

作爾禘衣之像稱其命鼎之銘噫秩秩彞倫吾  
歆廣閔睢鵲巢之化皇皇文詔天其興河岳鳳  
鳥之祥可特封大成至聖文宣王夫人主者施  
行

文宗至順二年正月十一日加封于思沂國公為  
沂國述聖公

制曰

上天眷命

皇帝聖旨昔曾子得聖人之傳而子思克成厥統稽

夫中庸之一書實開聖學於千載朕自臨御以來每以嘉惠斯文為念萬機之暇覽觀載籍至於致中和而天地位万物育雅留意焉夫爵秩之崇既隆於升配景行之懿可後於褒加於戲有仲尼作於前孰儷世家之盛得孟子振其後益昌斯道之傳渥命其承茂隆丕緒可加封沂國述聖公主者施行

順帝至元二年孔廟石刻維元統三年冬十二月我朝欽承文宗皇帝頒楮幣增修闕里吾天子

宅廟制命守土官董其事越至元丙子以次就緒濟寧路總管鄧衡實采以賤在布宣教化作新民俗而是役所成遂偕前總管張侯仲仁經歷胡復率兗州知州劉燁單州同知王民望兗州判官王克敬役行司吏王諒汪見十月八日以太牢致祭先聖先師告落成之功也先祭一日天宇晦冥將事之夕雲漢昭回衣冠音樂咸遵古制登降薦獻靡不合禮既而曲阜縣尹宣聖五十五代孫孔克欽謂民望曰凡臺閣縉

紳四方多士遂瞻仰于茲者無不鑄名于石以  
表勝遊矧侯之盛舉足以仰副今皇上敦崇儒  
學風勵四方繼志述事之意苟使晦而弗彰闕  
孰甚焉乃具貞珉以請民望以忝與執事之志  
謹為之記若乃揚鴻休紀實績炳焉光軼于古  
先自有史館弘文當垂諸不朽云是年十一月  
朔賜進士出身承事郎濟寧路同知單州事東  
平王氏望歛社書至元二年仲春月十一日與  
史路或登仕郎濟寧路曲阜縣尹兼管本縣諸

軍民勸農事推奉祀事孔克欽敦武技尉濟  
寧路曲阜縣丞曾花赤兼管本縣諸軍與營勸  
農事明安晏只奇建

順帝至正壬寅之歲冬十一月總兵六尉平章擴  
克平益都而齊魯底定受命河內江北寺處  
行中書省右丞陳公資善叅政伯公中奉同鎮  
濟寧總制諸郡二公乃有言曰曲阜乃聖人之  
鄉林廟所在天下文明之盛地古今賢士大夫  
之所仰瞻可不崇敬乎越癸卯之歲春二月丁



右丞陳公首詣闕里拜廟以太牢祀祀之夏五月丁叅政伯公復亭左右官掾及儒士等詣闕里齋沐行獻禮重祀之嗚呼所謂盡其誠敬之至夫聖人之德上下與天地同流論其功則賢於堯舜語其聖則集厥大成故立言當時垂訓萬世是又聖之聖者也自古有天下國家者皆立廟歲祭而崇敬之也迨我皇元列聖相繼尊崇益隆祀事之禮未嘗少廢近因中原板蕩所事之禮殆不古若今我叅政伯公乃世家名儒

其先父嘗賜以進士出身公雖處橫禴之際每考閱書史故其臨政未久拳拳以拜闕庭祭先聖為念可謂知綱常之本重教化之源吁賢矣哉前東平進士保寶拜頓首為之記刻諸琬琰用紀歲月河南江北等處行中書省照磨焦守敬檢校薛昉都事戚弘毅徐榮鄭珏河南江北等處行中書省左右司員外郎張炳奎中奉大夫河南江北等處行中書省叅知政事伯顏普化至正二十三年七月日宣聖五十六代孫中

奉大夫襲封衍聖公孔希學立石

孔顏孟三氏志卷之一終